

آبونه شرائطی

ممالك عثمانیه ده سنه لکی (۶۵)، الق
ایلی (۳۵) غروشدور .

ممالك اجنبیه ده سنه لکی (۱۷)، الق
ایلی (۹) فرانقادر .

اداره خانه

باب عالی جاده سنده دائره مخصوصه

اخطارات

آبونه بدلی پشندور .

§

ملکک موافق آثار مع المصنویه قبول
اولنور . درج ایدلین یازیلر اعاده
اولونماز .



۱۳۳۰

عدد ۲۶۳

۲۳ شوال ۱۳۳۱

پنجشنبه

۱۲ ایلول ۱۳۲۹

جلد ۱۱

اخطارات

رساله مزدهن آلمدیغی کو-ترک شرطیلر
بتون یازیلر هر هانکی رخنه طرفندن
اقتباس اولونه بیلیر .

§

مکتوبلرک، امضالرک و ضح و اوقوناقلی
اولمسی و آبونه صره نومردوسی محتوی
بولومسی لازمدور .

§

ممالك اجنبیه ایچون آبونه اولانلرک
آدرسلیرک فرانسیزجه ده یازلمسی دجا
اولنور .

§

پاره کوندرلدیکی زمان نه یه دائر اولدیغیک
واضعا بیلدیلمسی دجا اولنور .

قوجاقه یان دلیقالیلر ، اختیارلر نرهده .. مسیره لر شیجیدی هپ برر
مزار .. وحشته یاقلمش ، پارچه لشمش جسدلر .. کوزلری اویولمش ،
قولاقلری کسلمش لعشدر .. مدھش اشکنجه لرله قتل ایدلمش دلیقالیلر ..
قارینلری سونکولرله یارلمش والدهلر .. آنالرینک کوزلری اوکنده
جنوارجه سنه بوغازلشمش صیدلر .. نهرلرده بوغولمش ، دیوارلره میخلانمش
زوالمی اختیارلر .. اووف ... صلیبه وخرستیانلغه ابدیاً نفرت
ولعنت

مسلمان قهرمانلری .. هالاک ، مسلمانلغک انتقامنی آلمق هراسلامه
بورجدر . بش یوز بیک شهادی مسلمینک روح ملوانی شاد ایدیکر .
روم ایلینک قانلی طوبراقلری آلتنده ، قانلی کفنلر ایچنده یاتان همشیره .
لرکزک ، قرده شلرکزک قانلی کیمکری « انتقام » دیه حایقیریور .
وسزدن انتقام ایسته یور

م . و

نزهت الحوائی

منطق . صطفی افندی

عصر اخیرده یتیشن فضلالی عثمانیه دن برذات ستوده سمات اولوب
(مناستر) جوارنده کی (فیلورینه) دندر . علی الاصول اکیال تحصیلدن
صوکره وطننده تألیف وتدریس ایله امرار حیات ایدهرک (۱۲۴۴)
تاریخنده ارتحال ایله دی . زیارت ایتدیکم قبر عالیلری (قیشله)
آرقاسنده کی مقابر مسلمینده در . علم منطقده کی اختصاصندن ناشی
زماننده (منطق) شهرتیه بنام ایدی .

انارینک طبعنه همت اولونمادیقندن فضل وکالی نسبتنده شهرت
بولامامشدر . بو آنارک مطالعه سندن مظنه دن برذات عالی اولدقلری
اکلاشیلمقده در . کوروله بیلنلری بروجه آتی در .

۱ (شرح شفاء شریف) : درت جلد اوزره مرتب اولوب خط
دستیه محرر نسخه سی (فیلورینه) ده طریقت نقشیه دن بابا افندی درکاهی
کتبخانه سنده در .

۲ (حاشیه البیضاوی) : تفسیر (بیضاوی) نک نبأ جزئیه دایر
اولوب بونکده برنسخه سی (فلورینه) مفتی سابق فضلالی زمانه دن
(علی) افندی نک کتبخانه خصوصی سنده موجوددر .

۳ (نظیره شمسیه) : علم منطقدن بین العلماء متداول اولان
(شمسیه) یه نظیره در . بونکده برنسخه سی علی افندی دده در .

۴ (تبشیرالملوک فی احسن السلوک) : ۵ تفسیر (ان اده یا مرامبالعدل
والاحسان) : هرایکسینی ده سلطان محمود ثانی یه تقدیم ایدهرک منظر
تلطیف شریاری اولمشدی . نسخه لری کذا علی افندی دده در .

۶ (بی نقط قصیده نعتیه) : عربی العبارة (۵۳) بیت اوزره
نظم ایتدیکی بونعت شریفی اخیراً شرح ایتمشدر . بر نسخه سی کتبخانه
عاجزی ده واردر .

چونکه طوتانلر اونی ، آرسلانیدیلر .
قوله دکل ، همته یاصلاندیلر .
سی ایله دنیالری فتح ایتدیلر ،
هپسیده غایتله چالیشقاندیلر .

بزسه عطالتله دوشوب غفلته ،
اوغرادق اوندن نیجه بیک ذلته !
بیلشمش اول اوغلوم که عطالت کبی ،
دشمن بدخواه اولاماز ملته .

بایراغمز ایندی سهادن یره !
اولدی او نازنده وجودی بره !
صانکه اوسانجاقله بو کون مملکت ،
بریارالی قلبه کفن ، مقبره !

دوشدی بو کون طوبراغه .. لکن یارین ،
ای یتیشنلر ! اونی سز قالدیرک !
۶ ایلول سنه ۱۳۲۹

طاهر المولوی

قانلی صلیب

روم ایلی .. بدبخت روم ایلی .. مرعالک ، طوبراقلرک کوز یاشلریله ،
مسلمان قانیله صولانندی . یشیل بهارک ، نرمین چیچکلرک ظالم ، وحشی
خرستیانلغک آتشی آلریله قاورولدی . کلرک صولدی . بلبلرک
صوصدی . پنبه بولوطلرک ماتم روزکارلریله قارارمش . مائی افقلرک
باروت دومانلریله مورارمش . زمرد چایرلری آتون وکوشله قاپلایان
باباتیله یرینه قاندن لاله لر ، آتشدن کلنجکلر آچمش ...

یوللر ایصسر .. کوبلر خراب .. جامعلر ییقلمش .. مناره لر
سرنکون .. حزین وروحانی اذانلرک تتره تدیکی افقلر شهادی مسلمینک .
روح معصومه مرثیه لر ، کریه لر ، ماتملر اتحاف ایدن بايقوشلرک
فریادلریله آغلایور .. چوبانلرک ، کنج قیزلرک مسرور ترنماتنه بدل
شیمدی این وکریه .. چیچکلرک ، چنلرک معطر نغماتنه مقابل قان ، باروت
قوقولری .. دونکی مسلمان یوردی بوکون برمشهد اسلام ..

دره لر ، داغلر ، اووملر ، خرابه لر مدھش برکابوس ، الملی بر
سکون آلتنده اویوقله یور .. جنایتک ، شصاعتک تأثیریه آغاچلر ،
طاشلر بیله مدھوش وصامت .. کلین قیزلرک حجه زفافی مقتل ، لباس
عروسی کفن اولمش .. اسلامک بو طالعسر دیارنده بکارت قلاماش ..
معصومه قیزلر دهشتندن ، تأثرندن چیلدیرمش .. بدبخت والده لر ،
زوالمی بدرلر اولادلرینک حالنه کوز یاشلریله زکرا .. نه مؤلم منظره ..
بایراملرده دده لرینک ، ننه لرینک آلنی اوین معصوم چوجقلر ،
قیزلر ، اولادینی شفقتله سوسله یین والده لر ، بربری تیریک ایدن

ایشته بز دینزك امرلرینه بو صورتله اطاعتسزك ، رعایتسزك ایتدك . بتون بونلری یابدق . نه اولدق ؟ ایکیوز بیک عسکریمز درلو ، درلو صورتلرده شهید اولدی . مجروحلریمز چامورلر ایچنده قیورانه رق ، دشمن سونکولری آلتنده ایکلیهرك جان ویردی .

بشیوز بیک مسلمان ، حضرت محمدك بشیوز بیک امتی ، هالاک بشیوز بیک اولادی ، روم ایلیك بشیوز بیک یاوروسی ، دنیانك اک وحشی قومنه دكل ، اك وحشی حیوانلرینه رحمت او قوده جق صورتده بوغازلندی ، یاقیلدی . یوز بیکدن فضله حر و محترم مسلمان اولادی ، آنادولو قوزوسی دشمنه اسپردوشدی . انواع اشکنجدرله معروض قالدی . اك ، اك نهایت تل اورکولری ایچنده اك طاش یورکیلرک توبلریخی اورپرده جک بر صورتده شهید ایدیلدی . جامه لریمز کایسا ، آخیر اولدی . محمدر ، احمدلر ، نیقو ، یوان ، اسپرو اولدی . هلال قیریلدی ، دوشدی . یرینه صلیب بتون شامتیله دیکیلدی . دنیانك اك سفیل مخلوقلری اوکنده ، صلاح الدین ایوبینك خلفلرینك قلیچی قیریلدی . اکیلیمین باشمز کوکسمزه دوشدی . سفیل اولدق .. حقیر اولدق .. دها .. دها وار ؛ فقط صایمق ایستهم .

ای مسلمان ، ایشته دینکه عدم رعایتك جزاسی . شیمدی اولان اولدی ، بیتن بیتدی ، کیدن کیتدی ، بوندن « صکره » سنه باقم . فقط بوندن « اول » نیده اونو تمیمه . اونو تورسه ق « صکره » سنه باقامش اولورز . چونکه : بو کونك « صکره » سی یارینك دکلسه او برکونك « اول » یدر .

ئوت . بوندن صکره سنه باقم ! ديدك . استقباله دوغری کوزیمزی چه ووروب بر دقیقه ایچین دریای تفکره دالام ؛ کورورز که بو لحظه تفکریمزده اك زیاده قولاقلریمزده چینلابان صداشودر . : « مسلمانلر ، استقبالی قازانمق ایچین دکنزه حاکم اولیکز ! » ایشته ، دینداشلر نظر دقتکزی جاب ایده جکم نقطه بودر . بو کون حیاتمزه قصدایده جک قوت سونکولردن زیاده دره دناوط طوپلری در . بو کون حیاتمزی قورتاراجق ده ینه اوطوپلردر ، آتش پوسکورهن ، لافیرلاتان اوده میر آغیزلردر . غرب حدودیمزده کی بر ایکی دولتی تپه له مک ایچین - ای استعمال ایدیلک شرطیله - سونکولریمز کافیدر اول الله . فقط بعضیسی بحرأ وجودیمزك اك نازك بر نقطه سنه ، قلبمزه تااورته سنه خنجرینی صاپلیه بیایر . بز ایسه قوه بحریه جه ، یوکسک بر موقعده بولونیرسه ق استقلالمزه ابدی وازلی دشمنك لایعد سونکوسنی دور دورورز . یعنی ازهرجهت یاشامق ، استقلالمزی بایدار ایتک ، مسلمانلری مسعود ایتک ایستورسه ق قوه بحریه مزك اعلا ایدیله سنك یولنی بولمالی یز .

بو کون اوچیوز میلون مسلمان اسیردر . صلیک اسیردر . بونلری قورتارمق دکلسته ده اذواجنایه ، تضییته معروض پیراقامق لازمدر . بو ایسه قوی ، بالخاصه بحرأ خاطر من صایلیلر اولقله اولور . شیمدیکی حال برملانز بیله اونلره ، او مظلوملره عین رحمتدر . بز اولمازسه ق

۷ (رساله فی حق الشیوخ) : خط دستیله محرر نسخهمی طرف عاجزیدن (مناستر) کتبخانه سنه اهدا قیلنمشدی .

۸ (رساله فی حق الاجتهاد)

۹ (رساله فی سنة العصر) علی افندی ده

۱۰ (شرح عوامل)

۱۱ (رساله من العقائد) بر نسخهمی اسعد افندی کتبخانه سنه واردر .

۱۲ (رساله وبا و طاعون) مستولی خسته لقلرک هویتیه فرار وعدم فرارک کیفیت جوازینه دائردر .

بروسه لی محمد طاهر

مَقَالَات

مسلمانلر ، استقلاللرینی آنجق حقیقه مسلمان اولقله محافظه ایده یلیرلر .

سرلوحهمی کوره نلر : نیچون ، بز حقیقه مسلمان دکلزده یالاندیمی مسلمانز ؟ دییه جکلردر . بن ، تکرار ایده جکم : بز مسلمانلر نه وقت حقیقه مسلمان اولورسه ق ، یعنی دینزك علویت و قیمتی تقدیر ایدرک اونك او امرینی حقیقه ایفا ایدرسه ق ، اوزمان دنیاده مسعود یاشامق ایچین نه لازمه هپسنه مالک اولدیمیزی کوره جکیز . بو ، محققدر . بو کون دوشونم : باشمزه نه کی فناقلر کلشسه هپسنك مسببی دینسز لکدر . بیلنم لیدرکه ، دینسزك اهل یالکز کتابك غیری اولاق دیمك دکلدر . دینك او امرینی استخفاف ایدن بر مسلمان ده دینسز ، همدقه قمرلی دینسزدر . عادی دینسز ، دینی اولمادیندن بر درجه یه قدر معذوردر . فقط دینی اولان وبا خصوص دنیانك اك علوی دیننه صاحب بولونان بر مسلمانك دینی استخفافی ، اوکا عدم رعایت و اطاعتی هیچ بروقت معذور کوروله مز .

الله ، بزه : دشمنلریکیز فصل حاضر لایرسه اونلردن کری قالمایکیز ! دیدی . ایشته سزه بر امر دینی . یابدقی ؛ دینز بزه امر ایدیور : بر بریکزی به یکز ، اتحاد ایدیکز . بز ایسه ، بر بریمزك کوزینی اویدق . بر بریمزك آياغك آلتنه قاربوز قابوغی قویمغه چالیشدق . حرص ، کوزیمزی او قدر بورومشدی که ، آرده مملکتک فدا اولدیمنی بیله کورمبورددق . دینز بزه امر ایدیور : محاربه ده دشمنك اوکندن قاجیکیز ، دین اوغورنده چارپیشکیز ، اولدیریکیز . عکس تقدیرده الله ذوالجلال سزی شویله یاقار ، بویله تجزیه ایدر . بز ، بوکا مقابل بیلیم نه کی بر سوقک تحت تأثیرنده اردوده « بوزغوناق وار » سوزینی چیقاریور ، چارپیشه جغمز ، اولدیره جکمیز یرده سلاهمزی آتیوردق . وطن اوغورنده اوله جکمیز یرده دها دشمن کله دن هر شیئی ترک ایدرک قاجیوردق .